

Zeitschrift: Appenzeller Kalender
Band: 225 (1946)

Rubrik: Lustige Historien und scherzhafte Einfälle

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 29.12.2025

ETH-Bibliothek Zürich, E-Periodica, <https://www.e-periodica.ch>

Lustige Historien und scherzhafte Einfälle.

Kindermund. Hansli erkundigt sich bei der Mutter nach dem Alter seines Schwesterleins. Sie erklärte ihm: „Britli ist 1938 geboren.“ Da sagte der Bub wichtig: „Gäll, Mueter, das ischt no Vorkriegsmaar.“

Der kleine Fritz, die Zeitung lesend: „Mutter, gibt es denn auch Frauen, die ein Löwenmaul haben?“ Mutter: „Wie kommst du darauf?“ Fritz: „Hier steht: Frau mit gutem Leumund gesucht.“

Die Mutter eines Kantonschülers entsetzt sich, daß er schon wieder ein neues Buch haben müsse. „Wa für äs denn?“ – „Homer und die Homeriden.“ – „Wa säsch? Nä, für derig Bücher, wo oaständig Ehrankheite beschriebet, geb dr kä Geld.“

Lehrerin: „I möcht bloß ä mol für en Tag dini Mueter see.“ – Hansli: „Schwäged Sie emol mit em Vater, vielliecht ist er iiverständä.“

Das kleine Töchterlein sehnte sich nach einem kleinen Spielfkameraden und bat seinen Vater, er möchte ihm ein kleines Brüderlein schenken. Auf den Einwand des Vaters, daß ein Brüderlein eben viel Baseli koste, sah das Töchterlein seinen Vater ganz nachdenklich an und sagte: „Jää – oder bescht öppe kä Punkt meh?“

Frideli: „Du, Mueter, jez trau i em Vater denn bald nommä. Am Ehlsler (Niklaustag) ischt er de Ehlaus gse ond a de Wiehnacht 's Ehrischthindli. I globe bald, er sei de Storch gad au selber!“

Junger Chemann, dem in der gleichen Woche zum siebten Mal „gschwellti Härdöpfel“ aufgestellt werden, zu seinem Frauchen: „Du bischt de schwär uf em Holzwäg, we du meinscht, du seischt mit me ne Koloradochäfer verführatet!“

Em Hanes of em Buehl ist bim Zummischöpfle der Kittel i d'Brueb abe gfallt. Bi sim Versuech, de Kittel wieder usezische, hed ehm en frönte Gascht zueglueget ond zue-n-em gsääd, es lohne sich doch wohl kaum, den Rock heraufzuholen, da er ohnehin nicht mehr zu gebrauchen sei, worauf der Hanes erwiderte: „'s ischt mer au nüd wegem Kittel, aber wegem Zünli, wo-n-i i de Täsche ha.“

Der alte Haldebur Hansock war einmal Gast in einem feinen Hotel. Auf die Frage des Oberkellners, ob das „Diner du jour“ oder „à la carte“ serviert werden solle, gab er den Bescheid: „Gehnd mehr vo beidem, aber vill Soose.“

Auf der Heimkehr von der Viehschau trug ein Appenzeller den Kranz, statt auf dem Kopf des Stieres, auf seinem Hut. Von einem Freund befragt, ob er mit den Stieren prämiert worden sei, gab der Bauer zurück: „Jo, aber gang du no au, d'Esel chönd jez grad dra!“

En Bettler steht vor der Tür und verlangt näbes z'Esse. „Was“, seit die Frau, „eso en junge Ma go bettle? Göhnd Ihr go schaffe.“ Do meent de Bettler: „Das han ich au scho g'macht, denn han-i aber no meh Hunger übercho.“

De Klee chonnt uf's Büro und frogt um Hochzytsurlaub vo drei Tag. Do meent de Chef: „Jä, Ihr hend jo erst 14 Tag Ferie g'ha, hättid doch i dere Zyt chönne hirote, oder nöd?“ – „Jo, das scho, aber wössed Sie, ich ha mer halt d'Ferie nüd wele verderbe,“ meent do de Klee.

Im überföllte Tram z'Zöri sezt en Appezeller. E feschti Dame, wo hed müese stoh, säd ganz luut: „Seini Herre da, wo euferein nöd emol loht sigel!“ Do sääd der Appezeller: „Entschuldige Sie, gueti Frau, i ha-n-emol Geni i mim Lebe seze loh, ha aber hüt no g'nueg devo!“

Ein Appezeller fahrt off Zöri abe. Im Coupé sezt no e dütschi Dame, wo sie ärgeret über de Puur met finer Qualmerei. Tüüfelswilt meent sie denn: „Ja, wenn Sie mein Mann wären, ich glaube, ich würde Ihnen Gift in den Thee mischen.“ – „Jowolle,“ sääd do das Mannli, „ond wenn Sie mis Wyb wärid, i wör de Thee trinke, no das i nomme lang müest met Ehne zämmelebe.“

D'Frau Kelleberger, e bekannt bösi, frütsüchtigi Frau, ist g'storbe. De Pfarrer hät e wonderbari Abdankig, so schö, als wär sie en Engel gsee. Do meent de Ma vonere zo sym Schwoger: „Chomun Ernst, mer göhnd, mer sönd do sicher a der leze Bych.“

De Seppetoni ist i der Stadt vo me Motorfahrer überfahre worde, wil er lets uusgweche ist. Wo beid wieder of de Beene gse sönd, mäant der Motorfahrer: „Ehr sönd selber d'schold, i cha fahre ond fahre scho meh als zeah Johr!“ Dros hed de Seppetoni gsääd: „Ond i cha laufe, i laufe schon meh as föfzg Johr!“

De Jakob ond d'Rathri hend wieder emol e chlinneri Ofsenanderseztig. Zletscht hed de Jakob gsääd: „Jo jo, du chaast froh gnueg se, as mi übercho bescht, wil kenn andere cho ischt, bescht ebe de erst Best gnoh“, worof d'Rathri ase giftig g'meent hed: „Du irrcht di ganz gwaltig, guete Jakob, emol bischt du nüd de erscht gse, ond den ndanz bestimmt nüd de bescht!“

De Hanessepp hed sini jungi Frau – wil er zuefellig grad im Dienischt gse ischt – zor Erwartig vo-me frohe Ereignis i d'Klinik of Sant Galle gschickt. Wo 's denn efange a de Zit gsee ischt, hed er of telephonische Bricht he Urlaub überchoo. I de Klinik aaglangt, hed er si erkundiget, ond zor Antwort überchoo, er chönn grad dros warte. Zmool chood e Ehrankeschwöster zom Zimmer uus ond hed zwää Buebli off em Arm träge, e vierpföndigs ond e siebepföndigs ond sääd: „do...“ De Hanessepp hed dros g'mänt: „Jo, jez wenn i gad wähle cha, nemm i 's siebepföndig!“

Im Dorf gehd's en neue Pfarrer. Ebe lauft er met em Omeendshopme übers Feld. Binere magere Wiese blibt der Hopme stoh ond säd: „De mager Wesbode ist my. es wör mi freue, wenn der Herr Pfarrer do de Sege ge wör.“ Do sääd de Pfarrer: „En Dreck jowolle met em Sege, dohere g'hörid e paar Zuede: Mescht.“